


滿國圖志

五十六七


廿三



漢書門			
九	一七		
一〇	四	一	
冊	架	函	號類

內閣文庫			
九	九		漢
二	一七		書
函	〇	七	
冊	架	冊	號類

內閣文庫			
番號	漢	9171	
冊數	10	(9)	
函號	292	200	





海國圖志卷五十六

淺草文庫

邵陽魏源輯

西洋用礮測量說

福建監生
丁拱辰

前代制礮之法原于佛郎機佛郎機即佛蘭西也初佛郎機與巴社回人戰制火器大破回人回人不知其名遂以其國號名之上古初未有以礮戰者至北宋廣州始效其法西洋制物恒遵勾股立表測影期于必合夷礮之多中者非恃千里鏡也其制造演放皆準乎法也會遊海外諸邦遇精于數學者輒為諮訪遠聞其制礮

演礮動合度數心竊誌之今者英夷肆擾率土兵憤而水戰莫先於火器謹即素所見聞者筆之于書以備當道之採擇如圖所繪礮形而論之以小擊大以寸作尺以尺作丈如礮重二千斤身長五尺尾徑一尺頭徑八寸口徑四寸設若用刀切為上下兩半截論之彈發出去必由中間一線直出不待智者而後知也其下半截可置弗論而上半截尾徑五寸頭徑四寸以五尺之長而尾至頭已差一寸猶目中所視上面之靶線與礮中所發下面之當線出至礮口漸合一寸若出至一丈漸

合一寸發至二丈五尺已合五寸則靶線與彈線已相交會合發至三丈則靶線轉在下面而彈線反在上面兩線相距已差二寸由此而漸遠至一百一丈五尺彈與靶上下已差二丈又如佛山所鑄生鐵大礮身長一丈尾徑一尺頭徑一尺四寸切去下半截不論而上半截尾徑一尺頭徑七尺以一丈之身而尾至頭自上面之靶線與下面之彈線漸差三寸若二丈則漸合六寸至三丈三尺三寸漸合一尺則靶線與彈線相交會合再發去四丈三尺三寸則靶線又轉而在下彈線又反

而在上兩線相距上下已差三寸至一百零三丈三尺三寸上下已差三丈若至二百零三丈三尺三寸則差六丈如彈發至四里每里約一百丈計其四百零三丈三尺三寸則上下積差十二丈三尺三寸如再鑄之中銅礮重三千斤身長六尺尾徑一尺二寸頭徑九寸五分至四里亦差八丈如欲中他船底而彈反高越桅尾不論大小礮位皆有高越之差此法按圖細心檢視瞭如指掌為今之計已成之礮不論萬斤至百斤各先度尾之徑若干尾之徑圍若干尺寸于礮頭製一乾堅木

圈周圍與礮尾一樣大不容毫髮之差將木圈套附礮頭與礮口平齊木圈勿伸出便符勾股度數如此則自引門後正中一線直視至礮頭正中與敵船相對然後施放雖使重雜亦能中的矣或恐木圈經久銷縮有破裂之變則用鐵板鑲固雖久不壞而新鑄之礮立令匠人于礮頭外皮漸漸加厚如花瓶口圍至與尾一樣大便合用矣至于礮頭上面正中要起一珠為表礮尾大圍之處上面正中亦當起一珠為表與前表相對更為細微如前有珠後無珠無可相對反致生疑不如前後

皆無珠較爲妥協久而精熟得其變通製造演放動中肯綮克敵制勝可操掌握矣。

礮圈圖說

按照礮頭之圈如式製就束之礮頭勿緊勿鬆制法內外圈務要極圓內圈居中勿偏四旁方合度數茲又繪副圈圖一個形屬三角高與圈厚等後稍放長前後皆要刻一線痕以爲中標識用時方不偏斜如恐一時木圈遺失或逢損壞則用此三角形縛之礮頭由引門後上面正中向礮頭上面正中直視對繩然後開礮其法

亦同其照視之法如礮圖後人目所視前後均平如水面向敵直去爲度勿使前後高低不均致有微差已成之礮加此木圈已合法度若再加珠爲表其法益密繪明珠式以便安置前珠可釘在木圈上面正中後珠可安在引門後上面正中安後珠之方法如銅礮可鑽一螺螄殼旋轉入竅如是鐵礮堅剛難鑽可用松香煮蠟粘之或用牛皮膠均可如恐脫落再粘亦易測準之法如式由兩表尖峯對正均平爲準

總之已成之礮不外加圖木圈及三角形二法未鑄之

礮不離頭徑加大如花瓶口頭之圍至與尾之圍等前
後如圖安球爲表斯爲萬全夫制度之法必當因時變
通整理合度以垂久遠似乎不必拘泥舊章也果能如
是則雖有夷礮百種新奇不出此範圍之中

佛郎機子母礮安表式

製礮始於佛郎機故回人謂礮爲佛郎機今中華惟子
母礮尙存舊號粵人謂之搭提閩人謂之板槽以其身
有一槽中加鉄板塞緊各其其意而名之也大礮而外
禦寇破敵無逾于此輕快便捷頃刻可發發數出連環

不斷其錄最取此種爲第一得力惟當安照星照星即
立表也蓋其腰間廣大無可作準必當如圖立表如頭
徑四寸尾徑五寸則尾徑大於頭一寸對半折之得五
分則頭應加高五分今頭上立表高二寸而尾後立表
可高一寸五分前後表各製一小孔如管中窺物狀從
二小孔窺之對靶直擊發無不中也今之子母礮多不
立表立亦不符尺寸演放不能十分準的未製之子母
礮切不可不加表也如已造就亦可安之

中西用礮論

凡中西大小礮位自五百斤至五千斤止每百斤用營製火藥四兩而礮彈用薄棉先裹外加紅布包縫周密用廣東排錢尺引繩度地礮頭加三角形礮口高一度半平放演試不拘大小礮位皆至百丈便墜地即試八千斤礮遠亦如是而止若不包棉不包布礮腹不滿藥力旁洩兼彈子與礮腹相磋澁而不滑則尙不能及如是之遠觀於木噴筒吹泥彈滿腹則力大而遠彈小則氣洩易墜理甚易明也若欲使彈強發百丈以外至百五十丈先於彼處立靶然後此地安礮向天邊空際高

六度半放去則能至百五十丈之遠如向空廿度至三十度高擊去可期二三里然彈線如彎弓不能徑直斜墜而下雖遠無用萬一能中亦已無力矣世俗傳聞之說謂大礮響如霹靂聲震二百里彈子可擊三四十里一遭轟擊山崩地裂屋宇被擊坍塌平地此皆未經演試之談殊不知礮響小大一樣極大者聲震五十里大小礮皆發里許擊沙袋擊山麓于百丈遠僅入土三四尺而已惟至五六七十丈之處入土六尺至八尺之深擊磚墻僅洞穿一孔連透數重墻壁擊三合土墻則

堅不甚壞。惟擊石則碎裂。擊杉木船隻可穿三四重。若牛皮幔緊亦可穿五六重。懸牛皮間網紗七八層。二十丈還不能貫穿。若擊夷人戰船。堅木厚三寸者。可貫穿二層。大遠則不入。至力窮之處。席帆不能穿。惟染灰跡而已。所以夷人交鋒。如在一里內外。不甚開礮。必在相距五六十丈。極八十丈之內。彼始開礮。十可中七八也。若至一里之遠。彈子多墜無力。難準。雖可加高相補。矣是無力。兼夷船上礮式不長。皆自二尺至四尺。最長七尺。止六七尺者。發多中。三四尺者。雖離到靶。或高或下。

或扁而口自徑二寸至六寸。此外未見矣。其彈子所發亦僅符一里內之用。今就英吉利佛蘭西亞墨利加三樣礮式。與中華生鐵礮銅礮同用。營藥演放。比較遠近相等。獨是藥料較勝。墜數較減耳。我軍若不惜加費。再加工料。均是一樣得力。何必拘執用彼籐炭法。惟是彼船在洋進退活動。且爛習日久。熟知礮性。擊入十丈以外。礮口加高。量高補墜。有量天尺插在礮口。以定遠近。加高度數折為尺寸。以補墜數。兼礮架活動。上下四旁多繫滑車。輕快便捷。皆中國營兵所不習。即彼此礮彈。

遠近相均，尚難制勝。而况藥有美惡乎？今當鑄就新礮之式，再加長腹，用上料火藥，光滑大彈，礮身漆綠色，安置樹林青草間，偃旂埋伏，使彼千里鏡不能窺出，安礮之處。而我軍遠窺測準，乘其無備，必可制勝。更於波羅浴日亭向獅子洋之處，就地鑄就，每位二萬斤、三萬斤、長大大礮四位，安置向外遠擊。此處設哨屯兵稽查，奸細時刻戒嚴，以制其大艘內犯。然其施放亦必待一里以內，蓋礮腹愈大，用藥愈多，則其彈子亦隨之遞增重量。所以大礮擊遠，僅能與小礮均，非大礮及遠，小礮及

近也。譬如射箭，大小弓箭相差不遠，弓大箭大而鏃亦重，其射遠仍是六十步，即如子母礮雖小，亦可至百丈也。

凡立礮演練，只可度地五十丈及七十五丈。先將此二礮試準，再立百丈之礮，終日如法演練，無不多中。若如燕塘立礮之處，自平地至半山脚，礮比平地加高四丈，其遠百二十三支，而試礮平放不能到位，必當斜向礮上空際，用量天尺自地平測至高六度半，計十有四丈，演放墜落方在礮上無翼，即夷人放天礮，不惟無準難

中而中亦無力。凡彈子所去至百五十丈已漸低落。如強弩之末不能穿魯縞也。必當以百丈內爲用。按算所墜若干。加高相補。如測視紅心至百丈。加高二丈四尺。亦可中。此外卽不可用。若新更加長。火藥頂真。定可加遠。不在此論。燕塘演練。雖年年有期。無如立靶之處。高懸半嶺。四丈之高。演放惟認前面山石以爲標準。使有素習此處地勢者。礮準加高。亦只能中此處之靶。若移之他處。或使擊船。固執舊方。誠有萬難。且舊製礮位頭小尾大。多有彈子差高。每至三丈左右。姑作絕長補短。

以墜下抵高越殊不知墜下之數比高越之數有不同。且高越有限度而墜下無垠涯。舊製卽使可用。以高越之數補墜下在百丈以外。姑許其中若在百丈高越三丈而墜下只二丈四尺。相除尙高越六尺。如敵在七十五丈高越二丈二尺五寸。墜下只一丈二尺。則相除高越一丈零五寸矣。如敵在五十丈高越一丈五尺。墜下只七尺。則相除尙高越八尺矣。敵在二十五丈高越七尺五寸。墜下一寸。則相除高越五尺五寸矣。更加測視者。多照不到位。高越愈多。使現敵人交鋒已久。盡知其

弊所以迅速直迫而來。使我利器竟成虛設。試立一靶。遠五十丈。用舊製礮位。不加圓圈。不加三角等法。與之測視。正對紅心。定必高越成丈無移。此法與西法相同。宜製三角準頭。練試準繩。使知礮藥彈子之性。相距道里遠近。量高補墜之數。則發自多中。

至於舊法測視數端。有用錫片鑽三空。安在礮尾上面。窺之者。有用木版二片。各開二孔。前後懸葫蘆者。有或懸垂珠。分安前後二形相切對線。演放者。此二式謂之星斗。僅可以定偏正。而不可以定高低。惟有用竹管窺

者。不拘定對靶。能知變通。上中下轉移。斯可權用。今燕塘立靶之處。宜改移進前廿三丈。木靶加濶加高各二尺。便合演練。而五十丈及七十五丈。爲對炮之常經。更當演熟。不然縱使此處練至百中。移至他處。則不合用矣。或問既能平放百丈。何以不能斜放。向上百二十三丈之遠。何以加此二丈之高。二十三丈之遠。卽如此大。差乎假使敵據高臺。我豈不能高中乎。不知彈子出口其力甚剛。設若擊礮臺。上當在地平斜斜向上六七八十丈之遠。彈子有力。始能得中。如至百丈以外。是謂

強弩之末再欲使其就下之重體凌空勉力而上譬諸少年之人血氣方剛登山甚疾老大氣衰之人平行尚難何況登高以人喻礮物理可推也

至若擊夷船之法夾板船上每桅三節相續全靠左右偏摘摘緊前後四桅牽連相依爲用若擊壞空中桅盤四枝搖動寬鬆傾側不堪駕駛必當退出修理又最忌攻擊尾後因多窓櫺木版脆薄一擊裂散若火輪船上面與夾板無異惟身加長而無中桅內藏機械包裹蒸氣處處緊秘張縮冲動經過之處始達船旁激水大輪

其質薄輕始能越淺水故易於擊壞壞其一機則蒸氣洩出不能行動擊破煙筒則滿船昏暗迷目難堪若壞其長筒則當駛回外國方能修理觀彼船上惟安頭尾兩礮位每重千餘斤至二千斤而止其脆薄可知也惟測視攻擊之法尤當變通其夾板順大風日夜行六百里火輪船順逆流晝夜行千二百里以時辰表與人脉息呼吸較準推算人脉一呼一吸之間二船皆行二丈二尺夾板船逆風對我軍面前經過一呼一吸船行一丈如對面前斜去斜來一呼一吸能行七尺其礮自點

引門一呼一吸始響又一呼一吸彈始到攻擊時當如數按算加量進前則不大差

至防夷船桅礮懸放之法彼船桅盤上所安小礮甚長自高擊下其勢倍順比之地平演放倍遠礮臺內火藥宜藏僻處以防火彈墜落其礮臺內兵房比牆宜低四尺倒水傾落房後使無所施其大夷船桅安礮之盤約高四丈距臺十丈用勾股法推算似編中長房曲折及圓形二臺前牆高一丈二尺後面兵房高八丈桅尾彈擊來皆落後池矣

壓礮之物向多用砂袋重至五六十斤演時礮身或退後或仰起惟有五穀一壓不動計用紅糶米一斤小麥十二斤綠豆二斤芝蔴二斤粟十五斤用紅布袋盛之演時先入藥彈舂足實測準即將五穀壓在礮耳適中上面然後點引門響後用麻掃浸水洗盡灰燼方可再演凡搗柄扒掃引門錐水桶尖方礮枕一切演放之具皆當備足庶免一物不備臨時束手無策

以上所陳彈子自二十五丈五十丈七十五丈至百丈四處墜下之數係就中上營藥爲率若用上料好藥則

墜數較少而下等之次藥其墜無所底止皆不在此論

用火藥法

中華礮式如礮身重每百斤用火藥四兩如夷礮四千
斤乃四千磅實重三千斤用藥七斤八兩中有身短而
口大者則加用十分之二亦無妨惟演放時聽聲用藥
臨演之際預用紅布袋每包二斤或三斤可以寫明用
時送入礮腹逐包舂實用引門錐用力插看以實爲度

用礮彈法

凡礮口配彈子以九折爲率如口徑六寸配彈徑五寸

四分口徑二寸配彈徑一寸八分餘可倣此試彈之法
用銅板或紙皮規一孔周圍符之便知圓否又當光滑
腰間一線宜敲平貼先用薄棉裹之次用木紅布包縫
周密送入礮腹大彈入後加羣彈一包十二個每個就
礮口之徑二折如口六寸每彈徑一寸二分口二寸每
彈徑四分餘皆倣此羣彈已入再用舊麻繩解散扎成
圓毬與礮口緊合再舂入礮腹使彈有力自高擊下亦
不輟出彈勿過細恐洩氣無力不能及遠或偏左右

經試墜數

昇平日久向來大礮入彈演練亦非常事而放亦不求其中中亦不知其差高之度與墜下之數今獨立靶高一丈二尺濶八尺上畫橫線日日演試細驗彈至二十五丈墜二尺至五十丈墜七尺至七十五丈墜一丈二尺至百丈墜二丈四尺止此外至百十丈墜三丈二尺至一百二十三丈墜十丈皆不合用茲特據實數彙列明晰以便逐處加高補墜不論遠近皆有準繩

測準亦有不中論

凡演練大礮必當礮好藥佳彈圓其架便捷架下地方

平坦不偏左右安靶之地不宜太高亦不可過遠有一不合便不能中如礮已舊腹中生鏽凹凸不平引門寬大演放無方或引門在礮腹底面進前二三分者必能退撞竝有一經演放礮口仰高或連架跳起或偏左右以致不中此可加米壓重亦有火藥不純打不到靶礮彈不圓及過小者或腰間起線不平礮架不得其宜地有不平礮身欹斜左右偏左者彈必偏左偏右者彈必偏右皆不能中靶若四者皆得其宜發無不中也

中華用礮變通轉移法

西人鑄礮用礮之法極盡精微不同於中華之草率若
示華人以西法在智慧者一聞曉暢其不解者必謂歷
來演放皆如用鳥鎗打鳥但用目力由尾視頭對靶何
嘗不中乎不知大礮與鳥鎗大有不同鳥鎗所擊只十
丈而頭小尾大至十丈只差五六寸八彈又非一丸故
所差不知而大礮之差則動論等丈必知變通轉移方
合演放若就數種度數不同之礮執定一樣演放安能
命中卽如用竹管窺視一法較之各款星斗較爲相近
然當有分上中下轉移之法方能中靶若執定管窺不

知轉移難期多中轉移之法先將礮位度量如身長八
尺頭徑一尺一寸尾徑一尺五寸比頭徑大四寸對半
折得二寸爲母以身長八尺爲除除之每十丈彈子差
高二尺五寸如相去五十丈差高一丈二尺五寸如彈
墜七尺尙差高五尺五寸如用竹管欲打紅輪正中當
測視紅輪下五尺五寸六折形三尺三寸若打七十五
丈彈子差高一丈九尺此處墜下一丈二尺彈尙差高
七尺此處五折半形三尺九寸竹管當向紅輪下四尺
左右又如相去百丈差高二丈五尺墜下二丈四尺

相除尙差高一尺五折算形只五寸竹管當向紅輪下
五寸亦有每百丈差高一丈八尺者在五十丈差高九
尺扣墜數七尺尙高二尺六折算形只一尺二寸當向
紅輪下一尺二寸演放如相去七十五丈差高一丈三
尺五寸扣墜下一丈二尺相除尙差高一尺五寸六折
算形只在九寸左右也當向紅輪下一尺左右便合如
相去百丈差高一丈八尺而墜下二丈四尺相除尙多
墜下六尺五折算形只三尺當向紅輪上三尺演放均
是佛山新鑄礮位而測視有上下之不同使執管者之

見將前礮與後礮一同演放均是百丈之紅輪前礮向
下一尺後礮向上六尺其上下之差計有七尺誠有天
壤之別凡用竹管者能如法轉移便與所用三角形相
符

西人鑄礮用礮法

西人鑄礮其鐵皆經百煉鎔淨先用蠟製成一礮絲毫
無異次用泥封密陰乾鑄時用火烘模開孔洩出蠟油
然後將鐵灌入四五日後始開模取出置之荒野人跡
不到處將礮實滿火藥用長心引火繩一點各人盡遠

避藏跡一經礮響騰躍空中跌落不壞以不炸裂爲度使無後患其鑄法合度多以引門上長方形爲表或安頭上或安尾後或頭尾皆安亦合度數而火藥較之中華又更精細墜數較減如中華火藥至五十丈彈墜七尺至百丈彈墜二丈四尺用西人火藥五十丈墜四尺百丈墜二丈左右而已其彈子乃用蠟模鑄就渾圓如地球腰間竝不起微線演時或用千里鏡或就引門測視對靶自一十丈至百丈左右皆有逐處加高補墜高低轉移如擊七八十丈及百丈製一象限儀插入礮口

如上段所述方法加高一度至五十丈高八尺七寸四分至百丈高一丈七尺四寸八分攻擊甚準竝繪一圖以便考証此法靈臺儀象志有圖可據也

用礮遠近釋疑

或曰子所著前編演礮差圖每百丈差高二三丈設若四里差高十丈左右其變通加三角表之法善鈎股者亦稱合度向聞大礮擊遠二三十里姑不之信意者或有十里其彈子彎者不計直者想有六七里可用若據今日在燕塘演試中西大小礮位皆在百丈左右而直

彈大約不過六七十丈此外則漸漸墜低其用法當如何安置耶應之曰用礮之法不論彈發十里以至一里皆當取其彈子直去者用之彎墜者舍之如彈發十里而直者有六七里今僅發一里為百丈而直彈有六七十丈當以此為用加三角表之法誠不可無雖六七十丈之中畧有小墜此處有力可用此外至八九十丈百丈左右彈漸漸墜下不甚合用矣而用者當漸加高以補其墜如弓箭射靶其理則一現在賢良祠西洋礮式三位可據也或曰若然則已合西法設使不加三角表

定然高越但見燕塘演練百丈之靶雖多有高越過靶亦有不高越中靶者何耶曰礮製不一律其中有尾過大而頭過小者每百丈差高至有三丈餘至靶高越必多若如頭稍加大則每百丈差高三丈四尺者至此彈子墜落亦恰在二丈四尺可以恰中而旁觀者以為不加三角表亦可遠近一律中靶殊不知惟可中此百丈之靶若自二十五丈至五十丈七十五丈三處各有高越安能適中或曰加三角表三處既已各有墜數不加此表反有高越亦有法可繩之否曰凡礮位不同一位

自有一位度數彈發高低其性不同所差惟在礮頭之
徑數差一寸者至百丈即差丈餘雖同一廠所鑄一時
一式皆非一律其用法當未經演放先度定此幾位尺
寸度數逐位度量身長及頭尾之徑如上法算定差高
補墜之數記載一紙謹記在心上架竹管放低轉移窺
測則與加三角表同法加三角表加高補墜數架竹管
放低就差高隨彈高下均可互用若無分等第不知度
數執定一律演放而不察者以爲不加三角表擊百丈
亦時有中靶不知擊近又有不同耳或曰子所論是矣

維所云擊至六七十丈之遠恐夷船之礮比我較能遠
及以七十丈爲用竊恐不敵曰夷人製礮之時已預配
遠近用礮之時有知遠之方先於船上用千里鏡窺視
人形大小以定道里遠近測視準頭遠近不同約量彈
子可到兩地相去窺視人形明晰在六七八十丈左右
彈放出去直而有力可中然後開礮遠則不開也然亦
有時特意虛發者如兩處交鋒相距曠遠竊恐彈發不
到先駕火輪船迅發一礮探之不能中則不開放二十
年以前曾在澳門聞海上夷人戰船交鋒對礮駛得甚

近約在六七十丈始肯開礮方今演試始覺所言皆合或曰若此所云夷礮亦不甚遠何以自河下擊上鄉村有三四里之遠耶曰凡礮安高一度半平放可至百丈若高六度半可至百五十丈高十度可至二百丈高二三十度擊上空中墜落便有三四里不見夷船安礮其口仰上乎此乃攻擊城池恐嚇居民不能有準也要之夷人用礮考試猶中國科場之考箭倘推廣其法則海內之善於用礮者到處皆是此禦寇之大助也

用礮摘要

一凡擊敵之法當首先審視人形長短以知遠近方能命中若就現時之礮無分遠近不知加高放低執定一律演放彈發無準若知遠近擊遠加高擊近放低發必多中不致高越加高補墜放低就差高用量天尺較之便知對靶高低尺寸大約擊大船高約一丈相去二十五丈及五十丈七十五丈三處測對船底此外至一百丈測對船底之一尺擊百十丈測近船面如小船高約五尺者自二十五丈至七十五丈

此大船再低一尺。惟一百丈及百十丈當再低五寸。所謂低一尺或低五寸。乃見水面離船底大概之形。此就現時所鑄之礮總論大畧十位有六七位如是。其中亦有不盡如此者。若未曾用量天尺較對。猝遇交鋒。就此權用。不特多中。且不高越船上。此就不加三角表而論也。

一凡礮位準頭盡在礮頭之徑。當知算差之法。不知算法。雖知遠近亦難有準。若如編中算法。算出差高之度。除起彈墜之數。尚差高若干。轉移演放。發無不中。

一凡鑄礮如中華所鑄。每多頭過小而尾過大。能中遠不能中近。近則高越。西人鑄礮頭尾相差無幾。能中近不能中遠。中華之礮能中遠。只在一百丈至百十丈。若自七八十丈以內。彈多高越。西人鑄礮能中近。自出口至七八十丈皆可中。此外至百十丈。測之正對。多不能中。當加高補墜。中西二礮比較。擊近者勝於擊遠者。易中其力甚剛。遠者難中其力甚微。凡礮位能中遠者。恒不能中近。能中近則又不能中遠。故算法不可不知。若欲鑄就遠近一律。測正皆可中。


靴卽西人之善鑄礮者亦不能兼今就歐羅巴各國
 礮式度量推算演試較合惟佛蘭西有一式頭徑比
 尾徑小無幾使彈不墜每百丈差高一丈七尺自彈
 一出口直至七八十丈所墜抵補差高恰能相近所差
 只在一二尺若敵船相距八十丈以內測正攻擊皆
 可命中惟八十丈以外至百丈及百十丈當漸加高
 補墜較之僅能中遠者不同但敵船之六者長十丈
 高一丈至百餘丈之遠視之短且低矣且水上渺茫
 彈自空中斜墜擊之難中中亦無力蓋敵船迫近其

形甚大彈子直貫易中若欲擊遠則加高補墜所以
 離遠不甚開礮也今用一算法不論大小礮先算後
 鑄如佛蘭西式爲有準




靴鞋西人之善無窮者亦不能詳今就歐羅巴各國
 礮式度量推算測試較合惟佛蘭西有一式頭徑其
 尾徑小無幾使彈不墜每百丈差高一丈七尺自彈
 出口直至七八十丈所墜抵補差高恰能相近所差
 只在二二尺若敵船相距八十丈以內測正攻擊皆
 可命中惟八十丈以外至百丈及百十丈當漸加高
 礮口漸高西國各礮有準不同但敵船之大者長十丈
 船身不甚開濶必全用一算若不備大小礮式其差
 亦甚大戰行而貫易中若將礮製眼收高前測准以

象限儀圖式



法圖

附製象限儀尺寸
 此儀即弧三角其製法大小隨意大則度寬小則度密以取圓三百六十度分為四限之一得右限九十度茲粵省所製半徑五寸七分旁另留餘位三分以備貫釘又附左限十度角穿一垂線下懸一重球墜之其方柄宜直長二尺七寸上安兩小銅圈以便測視地平高低每面寬七分安在儀面之後柄伸出一尺五寸便合用



用象限儀測量放礮高低法 丁拱辰


此象限儀即渾天儀四分之一也按周天三百六十度一限計分九十度每度本作六十分今因製具狹小以每度權作十分算此儀俗謂之量天尺其為用也甚廣測視七政躔度與夫量山度雲霄壤之高下皆可推算而西洋人用之測驗礮差尤為精微蓋礮之高下各有不同而加落之數亦屬無定要在有所準繩非可臆揣故用此儀以較之其法無論有表無表之礮先將礮口安平然後將此儀插入口內使垂線不偏左右其礮身

中線自與之俱平如欲擊百丈以內之靶則先以線平
試演一礮視彈去到靶或高或低低則加高高則落低
加高則用右儀視垂線偏右幾度低則用左儀視垂線
偏左幾度其加落若干度若干分均須隨時記清以後
施放卽爲準繩如欲擊二百丈之靶又須較之百丈量
爲加高如係擊三百丈則又須倍加總期中肯爲率餘
可類推平時司礮者果能按礮一一演試得法各自記
明雖未必礮礮皆中靶然亦必不離上下左右之間不
然彈飛如隕星一閃而過又奚能遠視測量高下之尺


寸至若大礮固能擊遠然過遠則彈去究竟無力大約
三百丈之內一百丈以外方能有力也蓋礮力近則猛
烈可以摧堅破銳至左右儀高下之數只須左右各十
度測量卽可足用故將左儀十度附於右儀之左以便
運用此用儀之大畧也然礮之食藥分量之多寡彈子
之輕重大小均須合式平時一一配定方能有準若彈
子小而膛口大則藥力四洩彈出無力而不能擊遠倘
彈子稍大不合膛口又恐有澁滯之慮必須詳慎親爲
檢點此乃就平地設靶而言若夫由高而擊低自下而

攻上須將儀柄執之手中與礮身比平從柄上前後兩
 銅圈孔內測視彼處或高幾度或低幾度高則遞加低
 則遞減須知陸地設靶與水面不同如敵船來自水面
 則進退無定又在臨時相度遠近測看敵船駛來或乘
 風力或順潮信更須視風力之緩猛潮信之長落以察
 其船行之遲速然後從容施放如果審度得宜不患礮
 發之無準矣

中線高下圖



演礮須知中線準則論
 夫演礮須對靶而目線與中線互有參差立靶既有遠
 近之分則彈去即有高下之殊要必有所準繩而後可
 融會變通蓋礮有大小頭尾粗細之徑固有不同而其
 形質渾圓自百斤至千萬觔大小雖殊用法則一由中
 心測直而畫其中線當為準則以較高下之差然後用
 象限儀以記其加高落低之數庶幾稍有把握今於後
 幅繪二圖以論之如無表之礮其尾粗而頭細若從引
 門上用目線對礮頭測平則礮頭較礮尾必高而礮口





自與之俱高其中線亦與之愈遠而愈高假如礮口中線與上線相距一尺出至二三丈之外則中線漸遠漸高及至到靶必高越目線之上而過又如表之礮其頭已加表與尾徑相等若從引門上用目線對礮頭測平則礮口內中線亦與之俱平假如礮口中線與上線相距一尺則對靶上相去自亦一尺此兩礮口線雖同而中線彼此高下迥殊設以此兩礮下子演數如擊百丈以內之靶可知無表之礮有高越之差有表之礮有彈墜之失然中線差高之數其遠近丈尺各有不同而

算差之法不可不知譬如前論無表之礮作身長二尺頭徑二寸八分計之上下分中得半徑一寸四分尾徑四寸得二寸則頭較尾小六分即以六分爲母以身長二尺歸之計每尺差三分如一丈則差三寸十丈則差三尺百丈則差三丈若彈子由中線發出至百丈之遠有漸墜之勢譬如彈至百丈約墜二丈四尺除墜數外計尚差高六尺則彈子仍越靶而過蓋因不知礮頭尾徑粗細之差及加高落低之法故兩礮俱不得中此一定之理也如能知中線高下之差高測則低低則加高

用象限儀測量合度此兩礮又何嘗不中靶耶此算遠
 近差高捷便之法與勾股算數相同故附其說俾司礮
 者得以易曉

[Faint vertical text columns, likely bleed-through from the reverse side of the page.]






勾股相求算法圖說

按勾股之法其用甚廣以之測影推度山川之高深平原之廣遠非勾股莫因而知今畧舉一端以明其法如圖所繪直線為股橫線為勾斜為弦譬如大股高二丈大勾長三丈以股求勾問小股一尺該小勾幾何法置大勾長三丈為實以大股二丈為法除之則每尺之股得小勾各一尺五寸若股一丈則得小勾一丈五尺若大股二丈則得大勾三丈又以勾求股問小勾一尺得小股幾何法置大股二丈為實以大勾三丈為法除之

則每小勾一尺得小股六寸六分六厘如問小勾五尺該小股幾何法以小勾五尺與大股二丈相乘得一丈為實以大勾三丈為法除之得小股三尺三寸二分三厘若勾二丈則得股一丈三尺三寸三分勾三丈五尺則得股一丈六尺六寸六分若勾三丈則得股二丈恰符原數餘可類推此勾股相求算法之大畧與前篇礮位中線差高算法相同因恐司礮者不諳勾股算法難於洞曉是以中線準則論內附陳便捷算法俾人易曉今仍附此圖以備參考

量頭尾徑圖



海國圖志 卷五十一


三

量礮頭尾徑捷便法

前篇所論演礮須知中線準則然猶慮可礮者不諳測
視頭尾徑之法仍恐不甚瞭然故又立一捷便較法使
人人可以易曉假如有一礮尾粗而頭細其形質渾圓
必須量頭徑尾徑之數方能得中線之準其法以尺先
自礮尾後蒂分中而上用橫線與尾批平量直有若干
尺譬如測得四寸則上下可知計八寸矣上下分中而
算下四寸可置勿論計僅得上半四寸再用尺測礮頭
譬如測得六寸分而計之則上下各得三寸下三寸可

置勿論以礮頭上三寸與礮尾上四寸測平相較計礮頭周徑各短一寸故須立表補一寸前後各得四寸之數使其勻平分中測視方得其正此猶就一礮而言其他各礮前後粗細又自不同如較短一寸則補一寸短二寸則補二寸視短數之多寡定立表之高低方為合式蓋立表之意無非欲使頭尾之徑高低相等取其平直而已以之測正可為標準擊近視高低亦可用擊遠則礮口加高難以取準若臨時揣摩則必失矩度此又不若用象限儀則之平時記明尺度較有準則俾倉猝

施放不致失所憑依今繪圖於左



進呈演礮圖說疏

靖逆將軍奕山等

道光二十二年七月二十二日奉

上諭有人奏近


得一書名演礮圖說係丁拱辰所著此人曾在廣東鑄礮演試有準亦曉配合火藥之法著奕山祁墳查明是否實有丁拱辰其人現在會否在粵所製礮臺礮位果否堅固適用據實具奏又聞廣東造得火輪船亦頗適用著卽繪圖呈進並將是否內地匠役製造每船工價若干一併詳悉查明具奏欽此伏查丁拱辰係福建監生前來軍營投効呈獻象限儀一具測量演礮高低之

法當經_臣等于上年冬月間親往燕塘地方用象限儀測視演放尙爲有準該監生頗知急公曾賞給六品軍功頂戴該監生著有演礮圖說係講求演礮準則而於配合火藥以及修築礮臺鑄造礮位亦只有論說未經親爲製造前經署督糧道西拉本卽就原書詳加考校復於團練壯勇之時或在平地低處或於礮臺高處先立靶於水面用象限儀測視演放大礮往往中靶者多該道與丁拱辰互相參酌擇其演礮要法別擬圖說數則言簡意括刊掛礮臺俾人人易曉現在駐守各臺壯

勇俱能深明其法其臺上礮架一律製造滑車絞架推損亦極靈便除別製象限儀二具交齋摺差弁帶京呈進外茲將丁拱辰所著原書及該道西拉本更可數條各繕一冊先附報便咨送軍機處進呈至於火輪船式曾於本年春間有紳士潘世榮雇工匠製造小船一隻放入內河不甚靈便緣該船必須機關靈巧始能適用內地匠役往往不諳其法聞澳門尙有夷匠頗能製造而夷人每造一火輪舟工價自數萬員不等將來或雇覓夷匠做式製造或購買夷人造成之船隨時酌量情

形奏明辦理再查本年六月間紳士潘仕成獨力報効不惜重賞雇覓米利堅國夷官壬雷斯在僻靜寺觀配合火藥又能製造水雷據該紳士聲稱所製水雷一物尤為精巧利用曾派人在彼學習技藝俟將來造成後如果演試有效該紳士自行派人齎送到京聽候閱驗合併陳明源案火輪船大小不一如欲載多兵多礮行內河之小火輪舟其輪不在兩旁而在船底如磨磬式者現在粵東城外珠江有之詢彼夷人製造不過數千員每日亦可行八百餘里由珠江至香港即有二百里洋面則寧海上海內洋亦可通行中國製造火輪舟但須仿此磨磬式之小火輪是矣至此奏所云試造不靈便者乃由粵商師心仿造未延夷匠指授之故倘肯

出費延夷匠為師不旬日而可成矣又大火輪船有頭號二號三號不等去年上海夷會以三號火輪船出售于寧波製造極其精工索價僅二萬員則所稱每舟需十萬員者尤妄說也



西洋低後曲折礮臺圖說 丁拱辰

西洋國礮臺形勢可拒天礮火礮大礮火箭使逆寇無所施其技據稱礮臺最忌前低後高以及臺內構屋建塔高出牆頭之弊因英夷別有一種天礮斜發空際墜落炸裂亂滾又有學佛蘭西製一飛礮將大彈入在大礮內對陣直擊彈子炸裂火迸敵營倘轟擊只在牆外不致焚燒若臺內行兵之處後有屋宇及後有高牆則一被轟擊火光飛潰立足無地且能焚燒火藥局其彈徑四五寸形如蠟丸上留一口腹中空虛內藏許多小

彈每彈皆用染蠟棉紗線札之各通一引總結於口內實火藥着處破裂火光一發小彈帶火亂噴四處延燒其利害甚於天礮又如大礮對陣轟擊若牆內屋宇高聳以及礮臺後牆枕山高於前牆一遭礮擊瓦石飛揚亦難立足所以前宜高而後宜低而形勢莫便於曲折堅固莫勝三合土收彈莫愈於網喉如圖所繪牆高一丈二尺厚上八尺下一丈二尺頂如覆竹形牆內路濶一丈各密掛網唯一丈或四方或斜方形略如酒漏樣網喉長九尺每網之下各開一井將網尾入井一尺使

大礮自空中墜落由喉入井着水必熄矣其路後築兵房高八尺比前牆低四尺而房後高只四尺倒水斜傾落屋後之地屋脊慎勿用瓦亦用三合土厚一尺前後有門以通人兵房之後畱一路濶三尺路之後開一長池若天礮之彈墜在網喉必落井中如墜在屋背必輾轉落池而礮牆既高於兵房桅礮彈子不能中入矣臺築河旁兩岸對峙各築一臺略朝向外口如入字樣仍於礮臺之內相去半里由河邊陸地填出一莖直出中流盡處漸廣如出水蓮花莖之兩旁各築一牆扶翼中

道以護來往接應者於水中莖盡處築一臺長方形勢向外安礮共成鼎足形三面攻擊聲威雄壯仍於臺前河中多立品字木椿名梅花椿中泓畱一水道甚狹透迤曲折如之字樣使敵艘不得直入若循道曲折而進則兩岸中流三臺合攻豈能飛越至若海外孤懸或海口三面環海一面枕山者則用圓臺大略如是也

西洋圓形礮臺圖說

丁拱辰


上所陳曲折礮臺式乃是內河兩岸形勢他如虎門橫檔孤懸海中或兩山對峙半面環海半面枕山則當稍

異此則不用曲折之字樣可用圓形臺式就其山麓形勢循環周築或拱抱山後就地築造勿似大角沙角後枕山面甚高前臨海港甚低如圈椅樣一遭礮擊碎石炸裂飛火噴燒立足無地何暇顧及交鋒夷礮來攻最喜尋此形勢便彼攻擊若前高後低并空其後一面不築牆則彼雖有許多奇礮皆無所施其巧今繪一圖半面環海就山麓環抱開一平曠濶四尺內臺牆厚上八尺下一丈二尺牆後路濶二丈路後兵房並房之前後墻身濶一丈兵房後用一坑濶六尺深丈餘墻高一丈

二尺路張網喉。每喉下開一井。兵房高八尺。坑愈深愈好。若有山上流泉。導入坑壑。可使天礮墜落。遇水必滅。如無泉水。已落坑底。其火亦不能噴高矣。兵房之制亦與陸地河旁臺式相異。前有門。而後不開門。其山巔可剷平。以築小臺。臺牆略低。只用大礮中礮數位。過山礮子母礮十桿。弓箭手十人。前助擊敵。後防間道。小臺之門。向後開一小徑。曲折而下。直達大臺之右。人於大臺之內。臺內開一偏門。以通行。人臺牆後近山處。剷去山土一層。環抱周圍。高與牆等。使其山脚壁立。而從間道。


者亦不得越登矣。此抱山後之法。勝於枕山。而向聞澳夷云。中華礮臺既不合式。况加石砌。更易迸裂。西洋各國礮臺皆就山勢掘平。或掘山。分爲二三層。依山築臺。隨式而成。率用三合土築成。觀澳門三巴門外城垣。東西望洋礮臺皆三合土爲之。二百餘年不圯。是其明證。至若山如屏障。或如木梳形。可就此法變通。亦難板執耳。以上二臺。俱開三角礮眼。勝於方圓礮眼。礮架下鋪細石。或堅木板。或三合土。不可用泥土。致礮架陷入土中。難以移動也。其木椿。或三枝相近。連而爲一。中下用。


海國圖志 卷五十六 西洋礮臺圖 四二



海國圖志 卷五十六 四二

圓礮臺式






潤土礮臺圖說

丁拱辰

猝遇寇警，囊沙為牆，厚一丈，隙安礮位。其法最妙。廈門用此法。敵人礮彈擊來，只入沙二三尺，惟是可暫。不可久。沙袋月餘朽腐，則不能得力。易成可久者，莫如潤土礮臺。不時潑水，可期數年不壞。可自水口至內河擇險要兩岸，鑿鋪潤土築礮臺，牆排列，各略朝外，如八字樣。上牆百堵，或地方狹窄，就地酌量，牆高五尺五寸，內藏數千斤大礮。每牆隙安置一位，外口濶二尺二寸，內口濶七尺，安五六七八千斤大礮。餘留外口濶一尺八寸。

內口濶五尺安二三四千斤大礮酌量礮位之大小按
畱牆隙作礮眼敵礮直來柔能勝剛得其彈可用而牆
內可畱一路濶三尺以便行兵路邊可開一池深濶長
與牆高濶長等就所鑿起之土恰敷臺牆之用然後引
水入池如此則大礮火礮直來不能中傷天礮自空際
斜墜必落池中若在池後尤不爲害牆高五尺五寸外
邊上下長二丈內邊長一丈六尺五分及一丈七尺五
分二款照配上厚八尺下厚一丈二尺牆頂勿作平坦
當凸起如覆竹形礮架下及後面共長二丈濶七尺當

打木椿作基土鋪雜石板或鋪堅木方堪演放礮架之
輪方不沉陷土內致難轉動自海口至內河各險要可
用此法大小礮位當有千餘方足禦寇此是有定位不
能移動可守不可戰若欲出洋追逐制勝之方莫如造
堅固夾板或恐緩不及事則如靖海侯施將軍克復全
厦二島之策著有成效餘無他策



礮臺旁設重險說

江蘇候補知府黃冕

一礮臺左右旁近宜環設暗溝地雷并設伏兵以示重險也查各省沿海礮臺以防內地海盜則有餘若以禦洋夷則適足樹的招攻毫無益于守禦緣洋夷以船礮為城郭習慣攻戰如使我礮僅中其船舷兩旁不過倒退搖撼無損于敵除非適中其火藥鎗方能轟裂否則適中頭鼻亦足使駕駛不靈安能有此準的而夷船攻我則于數里內外遙升高桅用遠鏡測量情形瞭悉一面先用大礮飛彈遙注礮臺轟擊使我兵驚潰即一面

分兵繞出礮臺後路夾攻其後使我水陸腹背受敵此
虎門廈門定海上海寶山失事情形如出一轍今議防
夷仍止以礮臺堅大爲事而不講求夷敵繞攻礮臺之
計非善策也欲求萬全必移海口礮臺于內河要害之
處尤必于礮臺左右遠近別設重險方足以有備無患
其法在一伏地雷一設暗溝

地雷之法有用之攻城者必先掘地道潛入且耗火藥
十百倍非戰守所用其用之待敵者古法用磁瓦罐巽
分貯火藥或用兩鐵一蓋一底聯以螺絲旋亦未以收

迸裂之力如欲用藥少而得力大必用生鐵鑄成渾器
而空其中但留小孔實以火藥毒藥并藏刀劍碎錐在
內閉氣愈緊則迸裂愈雄各就地勢酌用方圓長短之
地雷相度敵兵來路無論高坡平地散伏錯設平日不
設藥線俟臨敵之時方始安置其看守藥線之人或伏
山坳或何地溝遠埋藥線伺敵入伏卽行點放或黑夜
遣諜潛往點放或募人佯作漢奸投敵點放其地雷嘴
口向下倒垂以啣藥線其藥線須藏於竹管內以防雨
水潮溼此只就內地火藥而言若仿造西洋自來火藥

則但須蠟封嘴口而別埋一無藥長繩于數里外臨時
但一牽動其繩而火藥自發尤可收一發聚殲之效勝
于攻剿十倍一處受創處處驚畏草木皆兵自不敢長
驅無忌矣蓋炸彈即小地雷而地雷即大炸彈用藥少
而得力大儘可多設數處數重首尾互應以資層層得
力

或謂敵于地雷已發之後又遣後隊冒死續進且或先
驅牛馬俘卒前行嘗試而後以精兵隨之其時地雷已
罄又將何以制敵曰地雷以內又必環以暗溝始萬全

無患深掘重塹多種荆棘蕨藜或灌泥水其上施板蓋
土望如平地一踐其上人馬皆陷此等如遇衝要之處
二道三道皆可施設但必深秘勿泄使我兵知之而敵
不知避則必墮吾計中矣至于礮臺不過虛張旗幟伴
置兵礮以誘敵其得力之處全在礮臺以外別伏精兵
相機策應若夫當地雷之處或伴走以誘敵而無地雷
之處設疑形以誤敵此則臨時制變存乎其人有非筆
墨所能盡者

語曰三泝肱始爲良醫又曰不經一失不長一智

是故前車者後車之鑒也。夷變以來，非無宿將忠謀，皆以承平剿內寇之法，施之外夷，證治不符，方藥屢換。見從事浙海，日擊情形，痛深創鉅，因病悟方，不敢以敗軍之將，遽忘報國之心，爰成禦夷數策：一炸彈，二輕礮，以利其器。見前三地雷，四暗溝，以重其險，皆前人所未有，而邊防所必備。曾從林制軍剿番青海，已將炸彈、輕礮製造，試用有效。曾經奏聞至地雷之法，不過就炸彈而擴充之，無論西北東南，皆可為陸戰陸守之奇器，用力少而成。

功多省兵省餉，妙難殫述。蓋親嘗利害，又竭耳目心思而後得之。其炸彈、飛礮、英夷陸戰長技，實不外此。至輕礮、地雷，則英夷遇之，尚不能當。此合之粵中所造攻船水雷而用之，水陸皆掾勝算，而猶患海防無備者，未之有也。然此法止可施之外夷，劇寇若內地亂民，脅從居半，宜剿撫兼施，未可玉石俱焚。敬告仁者，慎毋輕試。



地雷圖說

江蘇候補知府黃冕

一地雷造法。空其中，以藏利器。以出藥線。竅其旁。內用泥。匝外用木模。鑄成後。去泥實藥。一切如造炸彈之法。每具輕者一二十觔。重者一二三百觔。計每鐵十觔。配炸藥一觔許。輕重照數加減。

一造地雷之法。以閉氣緊固為得力。一二十觔者。甬孔萬圓。不過一二分。一二百觔者。甬孔不過一寸。鑄成時。宜用口對孔吹之。遇有鐵窩露氣之處。宜以油灰粘糊。使不出氣為度。

海國圖志 卷五十一
地雷圖法
一地雷一二百筋者可擊數十丈一二百筋者可擊數百丈鑄造須量其空處裝藥多少酌定鐵之厚薄以爲模式總以炸力猛勇爲度蓋鐵太厚而藥力少則炸必緩而力弱藥太多而鐵過薄則地雷過於揚高恐冒過賊面而擊賊無多是在製造時每成一土模必加斟酌使恰合機宜方可再用否則另修土模期於盡善

一地雷之法必先試驗於天津陸地或南苑空曠之處由火器營監造演放如果得方再行多造分給陸路

各營以及各海口水師

一地雷安設宜于容敵最多最要之路分伏數層以數十具爲一層藥線牽連如同瓜籐蔓引一發皆發

一地雷腹內藏有鋒利之物倘鐵鑄地雷或不敷用則並用瓦罐多貯石灰夾放火藥小炸彈於其中用三合油灰封蓋整固以佐鐵雷之不及同時點放則炸飛無數皆能擊賊而石灰迷賊亦可助我制敵

一地雷緊要全在引線製造得法安放得宜不潮溼不逆斷不泄露宜專派心腹備弁一二員帶兵數十名


或登高瞭賊或空地數尺以藏身勿令賊望見其引線製造必須試過倘試而不效加意講求必以盡善爲度否則有治法無治人而謂地雷之不可用則謬之甚者也

地雷之利三言蔽之曰省鐵省火藥省兵餉而已何謂省鐵內地鑄造三四千斤及七八千斤之大礮費鐵費人工無數笨重難運及敵以飛礮火箭遙攻守臺兵棄礮潰竄徒委之于敵今地雷外匣不過生鐵十餘斤及一二百斤不等連在內錐刃計之每地雷小者不過需

銀一二兩大者需銀一二十兩而止合計用銀一二萬兩即可造地雷一二千具分布天津江浙閩粵五省每省數百具即皆固若金湯視大礮之費鐵多而得力少者何如其善一也古法所製地雷皆掘坑藏窖全恃火藥之多其攻城地道同需火藥數萬斤即攔路地雷埋伏罌罐亦動需火藥數百斤不等由其少迸裂之能但仗焚燒之燄今則生鐵鑄成罌器閉愈緊固則力愈猛烈小者不過火藥數斤大者不過十餘斤而可當千百斤之用且外而鐵片內而刀劍皆同時炸裂四出不止


焚燒之力敵不入伏斷不點放無虛發浪費之弊視大礮之亂轟浪放者固殊天淵即視古法地雷亦費省而力大其善二也海夷船艘飄忽沿海處處設防每苦兵餉浩大今但于天津江浙閩廣海口登陸之處相度形勢要害凡容敵最多最要之區分設數伏多設數處可以一登再發此外紛歧可繞之路或開溝空斷或安放小地雷或別設疑陣誤敵但需閱定形勢之遠近定轟擊之大小繪圖貼說秘存營縣入于交代或埋樁暗記秘授心腹弁兵則水師人人胷有成算識定膽壯臨時

毫不張皇數十兵守險扼要可當千百兵之用可轟殲千萬之敵視紛紛多調外省客兵勞費萬倍者何如其善三也至地雷形制不拘一定畧圖于左




地雷圖法

上銳下平地雷式



四方地雷式



計覆用地雷法

道光二十二年八月 戶部主事丁守存

竊職奉諭製造地雷四十箇前經呈請札飭糧臺收貯存案茲奉札詢地雷機關暨裝藥埋伏等法按地雷乃擇地理伏之物均係自擬式樣用生鐵鑄成圓礮裝盛紅油木櫃每箇計重八十斤計容炸藥五斤內有鐵管一箇重八斤計容藥十兩內竹管一根上頭作馬蹄形入紙撚藥綫由櫃底木槽順出闌板之外其木槽內實以烘藥一兩許上糊棉紙一層以防烘藥泛出烘藥槽之上有方形圓孔木板中有鐵葉機關上層有空底瓦

盆一箇將炭毯燒着入內煨以熱灰其鐵葉機關有鐵釘一根箭住再將土面圓孔木蓋蓋住並將鐵礮上面薄木板用四小釘釘住擇要害路口不致積潦之所掘坑二尺許將油櫃埋入上面蓋以防雨水蓋覆以淺土令無露出以一面留一氣眼以出火氣並又爲每日換火之用再於地雷櫃二三尺之外照翻車大小刨深二尺許長坑橫攔來路其木櫃旁竹管之內鐵釘之繫以堅細麻繩由地內埋通節竹將繩橫入引過翻車下深坑以一端用橛拴住再將翻車安妥翻車之上蓋以

浮土令與平地造成車轍馬跡之形令人不疑賊來躡着翻車車壓其繩繩牽其機火墜藥燃其礮出地七八尺許然後炸裂鐵片飛空皆能殺賊其炸裂遠近之數無從預定大約可在周圍數十丈外現在均未裝藥易於存貯其藥必臨時再裝方免疎虞並可充日久生潮覆查監造時係由天津派外委王天文督催工役登記帳簿此外尙造有自來火竹礮噴筒等式樣四件據該外委稟稱共領用過制錢五百七十千文至地雷機關該外委亦能通曉合併聲明伏乞鑒核施行

按丁之地雷與黃之地雷二法迥殊黃之地雷由我兵自發之丁之地雷則候敵踐機自發之但引線自行點放者全在得人伺便否則夫之毫厘此黃之法難于丁也丁之由敵踐機自發者止能轟傷其前隊黃法則可俟敵全隊入伏并可俟敵已入三伏三伏而後同時點放如得其便可奏大功此丁之遜于黃也且丁法機巧而登陸之路甚多難於遍設黃法簡易即陸路最曠之天津亦不難處處安伏若於隘處用丁法而於容敵最多最曠之路用黃法則敵登陸

即入殼中計出萬全矣故竝存其說

海國圖志卷五十七

海國圖志卷五十七

西洋自來火銃製法戶部主事
丁守存 邵陽魏源輯

中華銃礮或用紙信或用烘藥總係火繩點燃其不便
有二臨陣忙亂倘裝放偶疎則貽害甚鉅又紙信恐雨
淋溼烘藥恐風吹散晦夜尤為不便故洋夷創為自來
火機以螺絲轉嵌火石以鋼板為火門蓋即以出火內
層置大曲鋼鑽一小曲鋼鑽一墊機一縮斜齒二外層
小鋼鑽一小鋼輪一龍頭一鴨嘴一螺絲一底層墊機

海國圖志 卷五十七 自來火銃造法

龍尾一護機鋼圈一層層密合皆按弧三角綫取其圓稜恰對製造可謂工細然火石須常換否則擊而無火又大風之中火星隨風亂撲一放不燃慮其悞事是猶精而未盡精也近復有自來火藥一法紅銅爲筒徑分許長分許中空底粘白藥一層其銃之信眼突出一小鋼管以紅銅筒冒其上後設攀機銅鑽等件如前惟龍頭端無鴨嘴其端下垂作深分許之圓槽擊之起放之下一擊則火出而銃響其法始萬全無弊但不知白藥爲何物所配視其火光所迸竝嗅其氣味知爲有硝

無礦之物然不知更有何藥或謂係噶喇水雜硝磺爲之者非也夷人甚秘其方但云以藥水化銀爲之藥水一名強水投錫銅鉛汞立化烏有惟用銀化後底澄白沫一層收而晾之以鐵錐對鐵砧敲之立爆近日粵中大吏向夷人購得其方其火乃燒酒蒸出而用銀收乾成藥造成可以爲大銃可以爲三寸之小銃取諸懷中可以防身無煩覓火種不憂倉猝不憂夤夜既安銅冒藥在內層若以蠟固銃口雖水中可放并不憂風雨此西英數百年洩造物之秘而叙此法子既得其法因詳

其理以告人蓋因理以悟事則難卽事以尊理則易也

造藥方

淨硝 火酒 潮腦 砒霜 青粉 紋銀

第一次將淨硝置新廣鍋中用兩水或長流水炭火化開以鮮柳枝左右攪之加水膠汁俟濁沫上浮撇去傾有銑磁缸蓋嚴冷定將硝牙取去

第二次將鍊過硝牙再入鍋炭火化開加雞子清石膏收取如前法

第三次用白礬末收取如前法

第四次再用水膠加蘿蔔汁如前法

第五次雞子清石膏如前法

第六次白礬末如前法

第七次水膠蘿蔔汁如前法

第八次雞子清石膏如前法

第九次白礬末如前法

九次以後再加清水煮提三次不加藥料上無沫下無渣此爲純硝每硝十觔所餘不過一觔此硝明透若水晶瑩瑩可愛再用小口大腹粗磁罐一個約容硝二觔

自來火銃造法

許者底層先裝青粉八兩上加鍊過硝一筋不令滿再定造凹底小口玻璃瓶一個凹底留一透孔足容磁罐之口如有不嚴以木灰和泥固之玻璃瓶上口先以玻璃塞住再以木灰泥固之再以皮紮之置鐵火架上用木炭文武火熬鍊一炷香水升至玻璃瓶凹處周圍不復下仍以布醮凉水常溼玻璃瓶俟火足取下上下層之水各分置一玻璃瓶緊固其口無令出氣懸風日處晾之以消其浮水三日取下卽以此玻璃瓶作底層另用前次之凹底透心玻璃瓶套於口上拔去口

塞不灰泥緊固之上口亦固之將鐵鍋一口滿盛密石砂將瓶坐砂上文火鍊之俟水升上亦分置之統用上層水爲精藥仍以玻璃瓶固其口此爲製硝法硝既製成乃製酒

上品廣錫製徑尺大花露蒸甌一具蓋用銀底用紅銅合縫處要極嚴勿透絲毫之氣取上好燒酒盈底銅釜十之七文火蒸之流出之酒以小口大腹磁瓶盛之蒸畢再入甌蒸之如前共蒸九次每酒一筋入潮腦二兩白砒末一兩蒸之仍以小口瓶盛之萬無洩絲毫之氣

此為製酒法酒既製成乃配強水

花露甌見泰西水法將鍊過硝

水置玻璃瓶每水八錢兌入鍊過酒七錢即成強水將

足紋銀四錢錘薄片如紙剪碎入投玻璃瓶其銀立刻

翻花半時化淨白沫坐底旋將土層之水另傾一瓶留

底白沫若霜陰處風晾三日取出聽用此藥一擊便燃

是為丹成之候

鍊此藥宜淨室擇丙丁日天火日爐宜南北向忌閑人

出入尤忌婦女雞犬僧道並諸不潔皆能令藥走洩或

至毀裂傷人慎之藥鍊成再造銅冒

造銅冒用熟紅銅打薄片先造銅板一具厚一分半濶

一寸長五寸平排二十眼眼徑一分許中密畫豎絲如

髮底置銅砧為托以銅小杵合空徑少弱將紅銅片蓋

眼上杵對之錐擊之遂成一銅冒二十眼擊完下其底

透之出置白藥少許仍以小杵壓緊入匣裝之如是銅

冒藥造成至於裝盛銅冒以便取攜則另有機器詳見

別集製銃如常銃大小任便惟必須螺絲轉底否則火

機等物無所安頓透火之凸火門用螺絲空筒擊火龍

頭必用凹心其深如銅冒之長相合防銅冒炸飛傷手

大鑛回火法不一有用火爐烤烘者有用香油炸煮者
 不如用鉛為易法將鑛打成彎過銼光淬水勁極化鉛
 數筋將鑛投入俟冷再將鉛焯火上鎔之將鑛箱出內
 生外熟勁而不折柔而多力鑛力須二十筋以上否則
 不足攀機與中軸須合勾股否則不合用且不堅久推
 廣自來火之用攻守埋伏應變倉猝無往不利未遑盡
 述
 或問用硝何也曰硝之性純乎火者也雷電之升原本
 於硝不以點燃而灼不以風雨而滅此乃硝之精氣不

雜形質人之所取則質多氣少且多染鹹氣故力不猛
 多方陶鍊所以取其氣也玻璃不透氣而能見形青粉
 緩其性不使驟升冷水頻沃者氣遇冷際即化為水此
 天地陰雨之理也至氣極精質全降則隔之以砂亦所
 以緩之也
 或問用酒何也曰酒者五穀之精純乎氣者也而水性
 居多未能猛烈故屢屢提之葉粗取精而又加以大熱
 之品以助其酸故一經兌入硝水其力甚大
 或問用銀何也曰五金之性皆主收斂而至精者惟金

銀故銅朽則為綠。鐵腐則為鏽。金與銀從未見其朽腐。而一入此水居然化為異色瑩白。是銅鐵之所不及也。既化之後。水之精氣為其所斂。銀質改而性不改。其收束之力。與堅凝之體。將如許。火氣攝入毫釐。一經擊動。引其熱性奮迅迸裂。蓋有不可思議者。日為火光。雷為火聲。聲之火疾。光之火徐。一擊之理。夫何疑歟。向來或傳自來火藥。乃硝磺和人骨灰為之。蓋人銀聲近。傳聞之誤也。

夷人有摔礮者。棉紙裹小石砂一包。合口用松香粘滴。摔地則響。火光四射。乃用此藥少許。包入砂中所製。子造試之不謬。

夷人有拉礮者。褚紙剪條如韭葉。潤長二寸許。一頭以膠粘細石砂。粘此藥少許。以紙繩之。兩手拉之。火出爆炸。夷人有自來火水條者。乃硫黃製鍊十餘次。將鍊過燒酒攪入。以木蘸之。磨之則立燃。或攪入硝水少許。其火更烈。

其他各式奇巧火法。總係強水所配。無他謬巧。此水

肉上微痛變黑色洗之不去染鬚髮亦然若着肉過多則肉腐爛以入腹殆無不立斃之理

夫用火之法爲攻戰伏守之要務然點燃需人則諸多未便若精鍊此藥擴充其用鍊鋼鍊鐵鍊銅兼以製造機器或令自躍或用人牽或祕之徑寸之間或置之山谷之險洵用間出奇之妙術也

請仿西洋製造火藥疏

道光二十三年福建提督陳階平

竊照英夷輸誠沿海安堵正當講求武備以期有備無患臣駐守曹江將及一載防警之暇察訪遠近各營製造火藥能否一律認真惟聞杭州省城精造加工火藥現存數萬觔其餘提鎮各標因防堵未及如法春造卽調來浙江之各省征兵裹帶火藥亦係舊時陳藥竝無加工新造轟去不能甚遠查製造加工火藥奈其中有賠累之艱人工之缺若不徹底講求總有加工火藥之虛名而無加工火藥之實效何以靖海宇而衛生民蓋

海國圖志 卷五十一
八
硝不提炙礮不揀淨輕率製造率難致遠透堅細察歷
年營員在省領回營硝一經提炙必虧折三成一經揀
淨必虧折一成此虧折之苦往往視爲畏途不肯踴躍
從事又慮造成之後仍須補足向定額數坐使賠累其
難一也製備石臼木杵一切器具不可不良加以提炙
之柴薪輪春之工食在在不能短少無款補苴其難二
也再查營中造藥向來多用碾盤一牛一日可碾藥百
餘觔今若加工春造每臼三人輪春每日造藥不過十
五觔此多寡勞逸之攸殊經辦營員未有不貪多而好

逸其難三也有此三難功無實濟是以各營造藥自奉
行後略加工一二成其餘照舊臣晝夜思維夷礮甚短
何以猛烈較甚於內地之長礮其爲火藥精工無疑因
多方購得夷礮火藥一小包用鳥鎗試遠實有二百四
十弓之數是以臣造藥時照提硝復加一次共提三次
愈春愈細加至三萬捍試遠亦能到二百四十弓藥力
與之相等內地大礮本長加倍倘遇使用權操必勝是
加工造藥非比別技兩相用則遠者勝別自爲用則精
者遠宜乘此閒暇之時備不虞之用可否仰懇勅下各

直省督撫預先添辦硝磺嗣後凡各營請領硝磺如領硝十觔另加三觔領磺十觔另加一觔以備折耗同額一併給發至炙硝柴薪春工口糧約計每造萬觔加工火藥需用經費銀五百兩各省物料夫工貴賤不一亦有用至七百兩者由督撫籌數或作正開銷責成營員辦理工料既真俟藥造成稟驗以鳥鎗二百四十弓遠打靶爲準如有再減料偷工察出立予重懲自此營員得免賠累造藥必能加工各省一律照備於武備實有裨益

一加工造藥全在煮煉硝觔前在廣西江南提煮二次鳥鎗試準一百六十弓廈門添煮一次鳥鎗試準二百四十弓硝性勁直必須煮煉如法方能收猛力直前之効先用大鍋盛硝四十觔清水十五觔熬煮半炷香時候加入牛皮膠水一茶鍾渣滓浮起用笊簍撈去用鐵鏟和之以防帶底另用瓦鉢以日布漫蓋將煮成硝水沖入鉢內凝結成餅簪牙玲瓏半尺許潔白如冰雪以舌試鹹淡絕無滷氣爲率

一硫黃揀淨渣滓石性搗碎細碾重羅成粉

一柳樹燒炭存性搗碎細碾重羅成粉

一造藥萬千零用石臼二十個外方內圓深一尺四寸

徑寬一尺三寸厚五寸以造藥多寡為置白之增減

一杵用槐榆堅木長六尺杵嘴長一尺六寸杵尾下挖

上深一尺俾杵揚高有力

一每臼用牙硝八觔磺粉一觔二兩炭粉一觔六兩攪

扣入日二人輪替春踏不歇與春米無異以二杵杵

為率

一用清水百觔新大麥三觔入鍋同煮撈去大麥水入

缸盛貯每日每日藥春三萬杵足數用笈篩將藥攤

平口噴麥水用力推篩旋噴旋推藥即成珠篩下之

藥再噴再推上下一律成珠其珠類似黍米曬乾甚

堅收貯乾燥處永無日久碎散成灰之弊先用手掌

燃試以不炙手為度造藥處工匠衆多勿存成珠藥

以期慎重

一提煉硝磺宜於春季進藥必在夏初取其晝夜春造

曬晾易於見功如遇緩急需則長夜亦可造辦毋

須拘定夏季而提煮三次春杵三萬慎勿減少

以上各條簡便並無奇巧揣摩之處照辦甚易配造
 一次立見效驗下屬承辦者亦不敢再事草率將官
 嚴加操練較八十弓例靶藥力增加兩倍而準頭仍
 與相等實於軍儲有裨

西洋製火藥法

福建監生
丁拱辰

夫鎗礮之利與不利全在製藥之精與不精若拘定常
 例不求精製不但有炸裂之虞且恐施放不能得力西
 洋人用藥極意精細其力足以擊遠其烟多係白色我
 但加工加料製造即可敵彼洋藥粵東有精製火藥其

藥力竟與洋藥相等烟亦白色見火即燃毫無渣滓會
 製數千觔頗得其用自宜廣推其法其製造之法每藥
 一百觔須用提淨牙硝七十六觔半淨硫磺一十二觔
 蘇杆炭一十二觔葫蘆壳炭半觔汾酒二十觔頂好大
 梅片二兩摩犀公角二兩煨炭配合而用惟提硝之法
 總以潔淨為率煎至二三次用白糖以去盡其泥用蘿
 葡以去盡其鹽用雪水以清淨其礬必至於極淨而止
 慎勿草率然後取其面上之牙為用其底再以清水漂
 之必如棉花雪體用其淨而去其渣其硫磺則用茶油

煎之以去其面、牛油煎之以去其底、至於蔗杆先去其皮、竝頭尾兩段、取中節用明火煨炭、務令火候得宜、倘火候不到、其力不猛烈、火候太過、又不能致遠、燒煨葫蘆壳炭亦然、其製摩犀公角、打碎以鐵鍋煨之、使其燒透烟盡爲止、再以芭蕉樹取汁多煎之、次日澄清去水、加大梅片二兩、共入鍋內、鍋外用滾水泡之、使鎔化爲糊、以硝磺及炭灰汾酒合而同舂、愈舂愈好、碾煉極工、而後羅篩細粒、製成以少許置之手掌中、用火點試、以不燒手爲佳、果能依法製造、尙可較勝洋藥、切勿輕忽。

減工減料此配精藥之良法也。如礮中用藥、平時須先較準分量、某礮某礮食藥若干、一一記明、用紅布袋盛之、配合藥膛大小裝入、再用引門鐵錐探入、刺破布袋、然後下烘藥點放、方爲合法、特附其說、以備參考。

西人製藥用藥法


丁拱辰

西人製火藥、每百觔之中、用淨硝七十五觔、硫磺十觔、杉炭十五觔、用上料極厚好燒酒及好泉水和之、舂煉足透、用紙盛少許舉火試之、火着藥發、其紙不焚爲度、其硝用好泉水煨煮二三次、去盡污穢渣滓、至極清淨。

海國圖志 卷五十一
三
候冷堅凝春至極細用細羅斗篩出細末粗者棄之其
硫磺煮法不用柴防火氣上騰燒化惟用好炭燒得純
白而無火烟出爲度次用灰掩之使餘火不騰起卽將
釜安在竈上將熱用生油少許抹遍釜內將硫磺先落
一塊每塊約半觔次用鉛搗鎔再落一塊再搗均鎔又
逐塊再落須各搗鎔落至滿釜而止所有污穢渣滓烏
色盡浮上面除去淨盡方可盛入小桶其桶務要浸水
而後覆在地上使水氣墜盡然後盛貯桶內欲貯之時
硫磺尙在釜內當仍架在竈上竈中之火炭雖已用灰

掩之恐有餘火四出當加瓦片蓋密方不焚燒盛貯桶
內片時便凝結成塊再春搗極細用細羅斗篩出細末
卽另行盛貯其杉炭須選燒透不存木性者庶無黑烟
蔽目竝要飛礮極細用水過洗篩汰粗渣合硝與磺和
厚酒及好泉水各半春煉足透愈春愈好故演時烟微
而色白有力能致遠此製藥之法也至於用藥之法亦
各不同中華論礮身重數每百觔用火藥四兩乃係論
礮口入彈就彈配藥大率以彈三觔用藥一觔惟彈至
四十觔或五六十觔之大就應配之藥八折算如中華

新鑄四等生鐵礮五千觔者。我用藥十二觔半。口徑五寸三分。彼就口九折算。應用彈徑四寸八分。重三十一觔。應配藥十觔零五兩。又三千觔者。我用藥七觔半。口徑四寸五分。彼就口九折算。應用彈徑四寸重十八觔。應配藥六觔。又二千觔者。我用藥五觔。口徑四寸。彼就口九折算。應用彈三寸六分。重十三觔。配藥四觔五兩。又如八千觔者。我用藥二十觔。口徑六寸六分。彼就口九折算。應用彈徑六寸重六十觔。應配藥二十觔。其彈過大。不堪照配。當再八折算。堪用藥十六觔。凡此回等



用藥彼少我十分之二。可知彼藥勝我十分之二也。彼就礮彈配藥。而我論礮身用藥。各從慣熟。不必更改。因數十年以前舊制礮位。其口極小。若因口用彈。因彈配藥。用藥過少。不能遠及。惟火藥製法。效之無難。似宜倣製。

安政丁未

